

Донолик ёшу карига бирдек ярашади. Донишмандликни излашда ёшнинг ахамияти йўк. Ахир, кўнгилни соглом тутишнинг эрта-кечи бўлмайди-ку! Хаётни ўрганиш, фалсафани англашнинг вакти хали етиб келмади ёки ўтиб кетди, дейиш баҳтиёрликни бой бериш ё уни кечикириш билан баробар. Шу сабабли, ёшу кари донишмандликни изламоги даркор. Ёш бўла туриб хам доно бўлиш мумкин. Биз шууримизга баҳтиёрлик олиб келадиган иш билан машгул бўлиб, хотиржамликка эришамиз.

Ўлимнинг биз учун хатарли жойи йўк. Буни тушунишга одатлан. Ўлим биз ўйлаганчалик кўркинчли эмас. Ундан устун келишнинг ягона йўли – мангу хаётга кетишдан олдин умрбокийликни кўлга киритишдир. Ўлимдан кўркувчи киши нодондир. У жон оғригини ўйлаб эмас, ўлим келажак сари тобора жадал илгарилаётгани учун хам ундан кўрқади. Аслида, ўлим табиатдаги ходиса каби бир кўринишдан иккинчисига ўтишдек гап. Ўлим биз учун хеч нарса. Гап шундаки, биз тирик бўлганимизда у бизга якинлаша олмайди. У келганида эса биз аллакачон кетиб бўлган бўламиз. Бир вактлар инсонлар ўлимни энг шафкатсиз иблис деб билишган. Вакти келиб эса ўлим уларга хаётдаги иблислардан кутулишнинг ягона чораси бўлиб кўринган.

Донишманд одам хаётини кадрлайди ва унинг поёнига етишидан у кадар хам изтиробга тушмайди. Одамлар мўл-кўл овкатдан кўра, оз бўлса хам мазали таомни афзал кўрганлари каби, донишманд одам хам узок эмас, маъноли хамда хуввакт умр кечиришни маъкул кўради.

Шуни эсдан чикармаслигимиз керакки, келажак тамомила бизнинг ихтиёrimизда эмас. Унинг келишига катъий ишониш ёки келмаслигидан ташвишланиб, умидсизлик гирдобига гарк бўлишимиз ярамайди.

Унутмайликки, кучли хохиш кўп холларда чексиз нафратга сабаб бўлади. Каноат эса хотиржамлик ва баҳтиёрликнинг калитидир. Хохишларимизнинг баъзилари табиий. Баъзилари эса асоссиз. Табиий хохишларимизнинг хам маълум кисмигина зарур. Колганларига эҳтиёж йўк. Бунинг фахмига етиб, уларни ажрата оладиган киши улардан танасини соглом тутиш ва тафаккурини бойитишда фойдаланади. Бу аснони хаётнинг мазмuni ва умрнинг хайрли давоми деб билади. Биз доимо кўнглимиз ва танамизнинг эҳтиёжини босадиган нарсаларни кидирамиз. Азобланганимиздагина, хузур-халоватни истаймиз. Шу сабабли хам хузурни хаётнинг энг муҳим палласи деб биламиз. У бизнинг энг олий истагимиз бўлиб, хар кандай танловнинг, шу билан бирга, нафратнинг асосидир. Хузур хар кандай нарсага баҳо беришда бош хакамдир. Афсуски, хузур-халоват хамиша хам хак бўлавермайди. Аммо, дунёдаги энг улуг хузур-халоват каноатли бўлишдир.

Нон ва сув оч корин ва какраб кетган лаблар учунгина халоватлидир. Эҳтиёжларини меъёрида ушлаб турган киши ортикча муаммоларга дуч келмайди.

Хузур-халоват – бу танадан оғрикни даф килиш ва кўнгил безовталигидан халос бўлишдир. У шохона таомлар тортилган тўкин дастурхон эмаслигини ёдимииздан чикармайлик.

Хузур-халоват кўнгилни бесаранжом килаётган ўй-хаёллардан халос этгувчи, бизни улардан химоя килгувчи хамда олдимииздаги тўсикларга асосли илож топгувчи идрокдир. Шу сабабли хам фазилатлар орасида энг яхшиси мулоҳазакорликдир. Идрок, ифтихор хамда адолат фаровон хаётнинг ажралмас бўлагидир.

Мана шу фикрларга суюнган одам ўлим кўркувидан батамом халосдир. Бундай одам

яхши нарсаларга ва эзгуликка канчалик тез эришиш мумкинлигини билади ва бунга осон эришади. Шунингдек, иблин кучининг меъёрлари хам унга маълум ва у бундан унчалик хам хавотирга тушмайди. Баъзилар учун кошиб-кутулиб бўлмайдиган, хукмдор хисобланган такдирни у менсимайди. Сабаби, хаётдаги вокеликларнинг аксарияти эҳтиёж, колганлари тасодиф ва яна бир кисми ўзимиз боис рўй беришидан у яхши хабардор. У эҳтиёжни, масъулиятни емирадиган куч хамда уни ўткинчи деб билгани сабаб, унга бўйсунмайди. У нодонларча завку шавкка буркангандан кўра, доно бўлиб, факир холда хаёт кечиришни маъкул кўради.

Сен менинг айтганларимни ёдингда тут. Ўзинг ва сенга ўхшаганлар билан биргаликда, буларга амал кил. Шунда хеч качон: на ўнгингда, на уйкунгда хеч нарса сени безовта килмайди.

## Инглиз тилидан Шухрат Сатторов таржимаси

Эпикур миллоддан аввалги 341-270 йилларда Афинанинг Самос оролида яшаб ижод этган кадимги юонон файласуфи хамда эпикурианизм фалсафа мактабининг асосчисидир.

Эпикурианизм таълимотига кўра, фалсафа инсонга баҳтга эришиш, осуда хаётни кўлга киритиш, тинч хамда эркин бўлиш, оғриклардан кутилиш ва кадрдон дўстлар даврасида ўз хаётидан коникиб яшши учун йўлланмадир. Эпикурнинг кайд этишича, хузур-халоват ва дард эзгулик хамда ёвузликни аниклашдаги ўлчовлар хисобланади. Ўлим тана хамда калб харакатининг нихоясидир. Инсоннинг эришган ютуклари ёки унинг бошига ёғиладиган балоларнинг худога дахли йўқ. Булар инсон харакатининг окибатидир. Борлик – нихоясиз ва абадийдир. Оламда содир бўлгувчи воеалар бўш макондаги атомларнинг ўзаро таъсири хамда харакатига болжик.

Эпикурнинг карашлари ўша замон олимларининг у кадар диккатини тортмаган. Айникса, Демокрит унинг фикрларига шубха билан караган. Боиси, детерминизм (нарса ва ходисаларнинг сабабий болнанишлари хакидаги материалистик таълимот) борасидаги бир катор кескин мулоҳазалари Демокритнидан фарқ килган.

Эпикур асос солган мактаб кичкина бўлса хам, бу мактаб ривожи учун у бутун умрини багишлаган.

Эпикур фалсафаси жамики яхшилик хамда ёмонлик хузур-халоват ва азоб туфайли тугиладиган туйгулар боис юзага келади, деган назарияга асосланади. Ушбу назарияга кўра, нимаики яхши бўлса, у халоватдир, нимаики ёмон бўлса, у азоблидир.

Хузур-халоват хамда азобни Эпикур яхшилик хамда ёмонлик ўртасидаги ахлокий тоғовутнинг асоси, деб хисоблайди. Баъзи бир ўринда хузур-халоватдан воз кечиб, азобланишни танлаш, янада лаззатлирок хузур-халоватга эришишга хизмат килишини таъкидлайди. Хузур-халоват исташ хамда излаш оркали ўлим кўркувдан хамда маъбудалар жазосидан халос бўлиб, хотиржамликка эришиш эпикурианизм таълимоти назариясининг асосий коидаларидан биридир.

Эпикурнинг учтагина хати тўлик холда, Диогеннинг “Машхур файласуфлар” асари

хамда Ватикан кутубхонасида сакланаётган кўлёзмалар оркали, шунингдек, унинг папирусга ёзилган “Табиат хусусида” номли асаридан бир нечта парчалар бизгача етиб келган.

Таржимондан